

D. O. M. QVÆSTIO MEDICA

PROPOSITA A CLARISSIMIS VIRIS D. D. DECANO ET DOCTORIBVS MEDICIS
Collegij Rothomagensis pro aggregatione discutienda.

An grauida hysterica saphena sectio?

64

CVM esse semper melius sit, quàm ad definitum tempus esse, naturæ æternitatis desiderio flagrans, quod in indiuiduis breui pereuntibus non potuit, id saltem in specie est consecuta; quapropter rebus omnibus in hac elementari sphaera viuentibus, internum quoddam generandi principium vt species salua conseruaretur à natura concessum fuit: hoc semen est quod licet corpus solidum in stirpibus, liquidum spumofum in animalibus, nullam generantis, nec generandi figuram oculis subiiciens, vtrumque tamen vitalem auram in se recludit, plena insignitam scientia, potestati- busque necessarijs, rerum in sua destinatione agendarum ornatam, quibus species propagetur, & parentum in filios traducatur similitudo. Quidquid igitur in mundum venit per naturam, necesse est habeat suorum motuum initium, excitatorem & directorem internum generationis, quod & materiam præparet disponat & perficiat, & generatum ad finem suæ scenæ comitetur; illud est per quod, æternitate immutabili continuantur viuentium ortus & procreantes.

HOMO licet animalium & inferioris mundi princeps, vniuersæque naturæ compendium habeatur, cuius anima Diuini Luminis Radius est immortalis, quia corpus ex elementorum congerie sortitus est, similibus oritur initijs eodemque fato terminatur: Maris & fœminæ sexu vt reliqua animantium genera distinguitur, ex quorum conjunctione & copula, per libidinis stimulum emittitur ab vtroque semen, totam illorum vim & potestatem continens, & tanquam confluentibus, principiorum & facultatum vicariis aut instrumentis, tertium quid (quod nouus homo est) generatur. Mas est qui in alio generat, fœmina vero quæ in se ipsa: Ille à quo motus procreationisq; manat origo, vi maiore ac facultate præditus est, vt semen melius concoqueret & extra se eijceret, fœmina vero Imbecillior est, vt illud efficiendi principium susciperet, materiam idoneam subministraret, & locum generationi præberet: differunt etiam certa quadam temperie, & partium genitalium structura, non autem specie & essentiali formâ, Mares enim Calidiores & sicciores sunt, fœminæ vero frigidiore & humidiores.

PRO differentia actionum quibus fœminæ à maribus distinguuntur, quæ potissimum à conceptu, partu, & educatione sumuntur, suos particulares patiuntur affectus, quos inter, ex proprio vteri vitio natos, præcipuum locum obtinet *πυλὴ ὕστερη*, quæ non solum ægrotantibus, sed Medicis astantibus timorem inferre solet; hæc magna respirationis offensio, cum totius corporis refrigeratione ex vteri vitio definitur, quæ virginibus ætate prouectioribus, viroque maturis, libidinosis, vt & viduis ad venerem proclimioribus, auctore GALENO, Magis est familiaris, dum scilicet earum vteri salaciores, suo veluti genio defraudati, vel ob coitum denegatum dum turget Materia feminalis, vel ob sanguinis menstrui, aut prauorum humorum in vtero aut circa vterum cohibitionem, vel etiam ob inanitionem & sitim, molestiam suam partibus societate vel affinitate conjunctis, per motorum aut per anathymiasim impertiunt, hinc aphonia, à lecoris & Diaphragmatis compressione, syncope à virulento vapore cor & orificium ventriculi malè afficiente, stridor dentium, frigus, Conuulsio ab eiusdem vellicatione compatiante cerebro; Carotæ, ab eadem Anathymiasim raptæ in somniorum officinas; strangulatio ab eius copia facultatem vitalem obruente & respirationis vias præcludente.

PRÆDICTA Symptomata quæ Virginibus & viduis familiaria magis esse creduntur, grauidas tamen plerumque mulieres infestant, in quibus semen aut prauum quidam humores, circa vterum contenti, libidemque corrupti (non sanguis menstruus qui totus in secundinarum generationem & fœtus nutritionem consumitur) venenatam auram expirant, furoremque vtero concitant, qui tandiu perseuerat, donec euacuato humore putrido, & dissipata tetra caligine, corporis & animæ facultates interceptante, spontè quiescat, aut arte exhibitio specifico sedetur; Plurimi enim morbi medicamentis, qualitatibus manifestis agentibus non cedunt, qui proprietate substantiæ feliciter vincuntur. Sic rabies, Irati hominis, serpentisque morsus, Ictus vespæ, scorpionum scabies, lepra, & cæter. Id genus, in quibus non tam quantitas humorum, quam veneni energia, grauissima infert symptomata, sanantur: quatenus per arcanum, aut malitia veneni edomatur aut partium natura conseruatur. Quod ad prognosim spectat. Hystericus hic affectus longè periculosissimus existit, ob paroxysmorum crebrò repetentium vehementiam, qui non à suppressis mensibus duntaxat, sed à retento etiam spermate putrefacto, atque corrupto, venenatamque malignitatem adepto excitantur.

MEDICVS ratione & experientia nixus, sumptis ab ægrotantis natura, & conditione morbi suis indicationibus, hysterica suffocationi medebitur, quæ si virginem aut viduam premat, præmissis generalibus remedijs, præsertimque sectione saphenæ (si suppressa menstrua sint & remedium sit æqualis necessitas, modòque virgentiora non adsint symptomata quæ medendi rectam methodum peruertunt) conjunctæ causæ euacuationi sedulus incumbet: has igitur sic affectas tali methodo curabit. Præmissis balano aut acri clystere, Iterato ex oxycrato camphorato, admotis sœmoribus cucurbitulis, suffitu odorantium, fœtidorum olfactu, vt olei succini, plumarum perdicum vltarum, potione theriacali, necnon ex oxycrato parata, paroxysmo liberare tentabit; quibus nihil aut parum proficientibus, suus etiam specificis locus erit, aquis scilicet Camphoratis, pulueri secundinarum puerperæ quæ primum marem enixa sit, coitui denique licito; illa enim veneris Incendium extinguunt, furorem sunt quæcunque vterum commouent, facultatem expultricem irritant, spiritus resoluunt, syncope & animi deliquium faciunt, partum accelerant, conjunctam morbi materiam non eliminant, partiumque frigus adaugent (qualis est sectio saphenæ) quæ neque à natura, neque à rebus contra naturam indicatur.

E R G O

Hysterica grauida non saphena sectio.

ASSERTIONES.

Molam sola mulier non generat.
Gemelli fiunt vno concubitu.
Superfectio possibilis.
Melancholicis vinum.

PROBLEMATATA.

An in febrium intermittentium epifemacia venæ sectio?
An mulier in hysterica suffocatione stuprata possit concipere?
An fœminis mares longioris vitæ?
An arte vita prolongari possit?

PARADOXA.

Astra sunt specula.
Antimonij & mercurij vires indefessæ sunt.
Puerpera lac suum euomit.
Nutrix plorantem suum infantem sentit delonginquo.

Harum Propositionum veritatem, Deo fauente, tueri conabitur Magister IACOBVS NOEL, Doctor Medicus Pontaudomariensis,
Die XI^a et XII^a Martij. R. S. H. Anno M. D. C. LXVI. In aula Carmelitærum. a 2^a Post Meridiem.

ROTHOMAGI, apud LAURENTIVM MAYRY, in vico nouo S. Laudi, ad insigne Typographiæ Luparæ, propè Palatium.

